



948304

Mag. St. Dr.

IV



948 304 IV
Esle 82

FERDINANDUS ONUPHRIUS

DE KITKI

K I C K I

DEI ET APOSTOLICÆ SEDIS GRATIA
ARCHIEPISCOPUS METROPOLITANUS
LEOPOLIENSIS

*Universo Clero, tam seculari quam regulari Nobis
in Christo Dilecto salutem in Domino.*

Supremi Principis Decreta ac Ordinationes Excel-
si Gubernii Vobis per extensum publicamus.
Et quidem :



1mo

Litterarum Excelsi Gubernii ddo 12. & recept. 25. el. te-
nor est sequens — Intimata equidem erat Illustrissimo
Archiepiscopo Suprema Resolutio ddo 11. Xbris an.
el. vigore cujus præcommisum erat, quatenus ma-
joris conservationis sanitatis ergo, mortui extra Oppi-
da sepelirentur. Plurima etiam Circularia Officia intui-
tu harum Ordinationum necessaria cointelligenter cum Dominiis, Curatis, uti
etiam cum ipsis Parochianis disposuerunt, quod Officiis illis Circularibus ap-
probatum est, attamen de exacta effectuione hujus supremæ Dispositionis cer-
tiorum effectum obtinendo, placuit Illustrissimo Archiepiscopo hisce præcom-
mittere, quatenus hanc supra fatam supremam Ordinationem effectui demandare
studere velit, ac omnibus suis parochis seriò præcipere, ut vitando pœnalita-
tes, secus oneri ipsis profectò forent, in omnibus illis Oppidis, ubi tantum co-
intelligenter cum Officio Circulari locus sepulturæ extra Oppida designatus est,
aut designandus erit, illico abhinc neminem absque ulla exceptione status &
conditionis in Oppidis sepelire audeant.

2do Litterarum Excelsi Gubernii ddo 15. & recept. 30. el. tenor est
ejusmodi. — Siquidem his in Regnis huc & illuc mos sit, quod etiam ple-
bæ post meridiem & vesperi copulentur, quo tempore tam Sponsi, quam in-
vitati fortiter inebriati esse solent. Eapropter velit Illustrissimus Archiepisco-
pus suis subjectis Curatis seriò præcommittere, quatenus inebriatos comparentes
copulandos nullatenus ad ineunda vota Matrimonialia admittant, sed eos in
alterum diem remittant, ne per inconvenientes actiones huic spirituali Operi,
quod Sacramentum est, irreverentia exhibeatur.

3^{to} Ex literis Excelsi Gubernii ddo 12. & recept. 25. el. excerptum intuitu Concursum instituendorum ponitur hic de tenore sequenti. — Sua Sacratissima Majestas mediante Supremo Aulico Decreto ddo 19. el. present. 6. cur. intuitu faciendorum Concursum examinum quò ad vacantia Curata Beneficia sequentia statuit.

1^{mo} Quatenus certa notitia obtineatur, quod imminendi concursus, Sæcularibus & Religiosis Presbyteris convenienter publicati sint, debet illico postquam Consistorium vacantiam Curati Beneficii publicaverit, ab Eo etiam dies faciendi Concursus designari, & de eo mediantibus Currendis, quæ postea unà cum relatione diei, quo Curatum Beneficium in vacantiam devenit, in Originali, Actis Concursum adnectendæ erunt, omnibus Sæcularibus & Religiosis Presbyteris publicare.

2^{do} Omnibus publicandum est, quatenus Candidati curantes collationis Regiæ Beneficia, in comparitione ad concursum, statim ad supremum Locum dirigendum supplicem libellum secum apportent, in quo suam Patriam, suam Diocesim, suam ætatem, suam notitiam linguarum, tum locum ac progressum cum attestatis ubi, & qualinam profectu sua studia absolverint, adnotabunt, uti etiam sua merita, & quidnam præterea pro complemento sui desiderii utile fore arbitrentur expriment. Secus effectuatio non in termino porrecti supplicis libelli, post absolutum Concursum non obtinebitur. Illi supplices libelli, qui adhuc præterea Officiis Circularibus & Gubernio porrigerentur, evitando multiplicationem negotiorum Gubernio, expediendi erunt respectivis Candidatis, si nulla præcipua causa retinendi illos erit, neque remittendi videbuntur supremæ Aulæ, unice hac cum insinuatione, quatenus suos supplices libellos Consistorio porrigant.

3^{to} Abhinc alternativa & preces intuitu non determinatorum Curatorum Beneficiorum, à Consistoriis amplius non sunt recipiendæ, sed à competentibus qualibet vice, tantum unum Beneficium & quidem expressa denominatione illius requirendum est.

4^{to} Literarum Excelsi Gubernii ddo 5. & recept. 9. cur. tenor sequens. — Cum à tempore publicatarum Matrimonii Patentium plurimi in proxima adeò Consanguinitate præcipue in Pagis pro obtinenda dispensatione Matrimoniali supplicaverint, ad quod occasionem illis præbuit error, quod ejusmodi dispensatio citra novas Matrimonii Patentales, conferri tamen illis posset, per quem errorem sæpe etiam ad prohibitum consortium adducti fuerant; Hinc Sua Sacratissima Majestas mediante Supremo Aulico Decreto ddo 19. recept. 30. el. clementissime ordinavit, quatenus omnibus Curatis & Parochis præcommittatur, ut Parochianis suis in ejusmodi obvenientibus casibus Matrimonii Patentales debite ac clare explicent, eosque de illius normalibus in suis Concionibus bene instruant, ac informet, ne post admonitiones frustra repetitas præscriptas pœnas luere cogantur. Quæ Suprema Resolutio Illustrissimo Archiepiscopo pro exacta effectuatione hisce notificatur.

5^{to} Literarum Excelsi Gubernii ddo 21. Junii & recept. 3. el. tenor est sequens. Mediantes Supremo Aulico Decreto ddo 1. & present. 15. cur. resolutum huc est; Intuitu quæstionis quonam modo cum Colonistis his in Regnis Protestantibus quò ad decisionem Jurium stolæ, & conscribendos Matricularum libros sese regulandum sit, tenenda est dispositio ddo 20. Junii a. p. quæ intuitu Zamoscensium Protestantum facta est, ubi regula & norma præscribitur, tum immediate submissæ Patentales, quomodonam Copulatorum, Baptifatorum, & Mortuorum libri tenendi, quæ sub ddo 17. Febr. an. curr. emanarunt, quatenus etiam intuitu Augspurgensis & Helveticæ Confessionis asseclarum subditorum, ejusmodi libri Conscriptionis à Catholicis Curatis teneantur. Secundum has binas Ordinationes etiam sese regulandum venit, intuitu novorum Colonistarum, ita tamen, ut si illi ad Baptismum, Copulationem & sepulturam nullo Catholico Curato indigeant, Catholico Curato nulla Jura stolæ, attamen

præ-

præscriptum Zamoscensibus Protestantibus medium florenum Polonicum, ideo Catholico Curato persolvere tenentur, siquidem si illi homines Catholici forent, eidem subiecti essent. Quodsi liberè ad actiones superius expressas Catholicum Curatum requirerent, tum Catholico Curato præscripta Jura stolæ jùsto modo persolvere tenentur, unde nullum onus novum illis imponeretur à quo absolvi possent. Quæ Suprema Resolutio Illustrissimo Archiepiscopo pro notitia submittitur.

Singula hæc, quæ præsentibus litteris nostris comprehenduntur, pro meliori Vestri notitia, ac exactissima observantia Vobis publicamus, atque ex occasione emanatæ Supremæ Dispositionis hic Nro *imo* positæ, omnibus Curatis facultatem benedicendi Cæmeteria noviter designata vel designanda præsentibus pro hac sola vice, benignè in Domino Authoritate Nostra Ordinaria concedimus. Requirentes, quatenus iidem Curati formam Ritualis Romani in ejusmodi benedictione Cæmeterii servant. Tandem inhibemus seriò, ne inebriatos Sponsos ad copulandum comparentes, copulare audeant, sed eosdem ad alium diem remittant. Porro concurrere ad vacantia Beneficia volentes expressam hic sub Nro 3tio Normam diligenter observare studeant. Demum in Concionibus vestris clarè & dilucidè emanatas intuitu Matrimoniorum Patentes Populo explanetis, eundemque de Normalibus earundem Patentium optimè instruat. In quorum fidem Datum in Palatio Nostro Archiepiscopali Obroszynensi Die Nona Augusti 1734to Anno.

FERDINANDUS ARCHIEPISCOPUS.



Stanislaus Stocki, Ecclesiarum Metr. Cancus Supern.
Coltæ Leop. Primicerius, suæ Excellentie Archi-
episcopalis Secretarius m.p.



